

Avatangiisinut Pinngortitamullu Pisortaqarfik
Direktoratet for Miljø og Natur



Alumiiniumik projekteqarnermut tunngatillugu Pilersaarusiornermut
atatillugu Avatangiisit Nalilersornerannik tusarniaaneq

Matumuuna kikkut tamarmik tusarniaavigissallugit pilersaarusiornermut atatillugu
avatangiisit nalilersornerannik nalunaarusiap (SMV 2007 nalunaarusiaq)
eqikkarnera nassiunneqarpoq ALCOA peqatigalugu alumiiniumik
projekteqarnermut pilersaarutaasumut tunngatillugu, tassunga ilaallutik imermit
nukissiorfiit aamma kabelit atuagassaar tassunga atasut.

11.12.2007
All./Brev nr.

Ataani allassimasoq malillugu sulii aalajangiunneqanngilaq alumiiniumik aatsiterivik
nammineq Sisimiuni, Maniitsumi Nuummiluunniit inissinneqassanersoq.

Postboks 1614
3900 Nuuk
Oq/tel +299 34 67 01
Fax +299 32 52 86
App-dmn@gh.gl
www.nanoq.gl/dmn

Tusarniaanermut killissaq tassaavoq marlungorneq 15. januar 2008.

Tusarniaanermut akissutit uunga nassiunneqassapput:
SMV-mik suleqatigiit siulittaasuut
Klaus Georg Hansen
Avatangiisinut Pinngortitamullu Pisortaqarfik
Box 1614
3900 Nuuk

Tusarniaanermut akissutit sapinngisamik **elektroniskinnngorlugit** uunga
nassiteqquneqarput KGHa@gh.gl.

Nalunaarusiaq tamarmiusoq (qupp. 370 miss.) uanngaanniit aaneqarsinnaavoq
www.aluminium.gl/smv. Kalaallisut, qallunaatut tuluttullu saqqumivoq. Saniatigut
nalunaarusiat tunuliaqutaasut (qallunaatuinnarli) aamma aaneqarsinnaapput.

Eqikkaanerup aallaqqaasiutaani SMV suunersoq nassuiarneqarpoq aamma
nalunaajaatinut VVM-inut (avatangiisinut sunniutaasut nalilernerat)
kingusinnerusukkut pisussanut naleqqiullugu qanoq ittuunersoq, taakku
suliarineqartussaapput alumiiniumik aatsiteriviup, imermit nukissiorfiit aamma
kabelit aqqutissaasa inissiffissaat aalajangerneqareerpat.

Nalunaarusiat allakkatigut perusukkaanni tamanna
saaffiginnissutigineqarsinnaavoq uunga Klaus Georg Hansen, KGHa@gh.gl.

Allattuiffimmi ilanngunneqartumi tusarniaaffigineqartut allattorsimapput.
Tusarniagassanik allanik siunnersuuteqartoqarsinnaavoq

amigaataasoqarsorigaanni. Aamma nammineq peqataasunit attuumassutilinnit tusarniaanermut akissutiniq piniartoqarsinnaavoq namminerlu akissummut ilanngullugit. Taamaalissagaanni kina tusarniarsimanerlugu nalunaaqquneqarpoq.

Nunatsinni Takornariaqarnermut Inuussutissarsiornermullu Siunnersuisoqatigiit, KNAPK aamma TPAK tusarniaanermut allakkat uku ilanngussat ilanngullugit takornariartitsinermik suliallit attuumassuteqartut aamma illoqarfinni taakkunani pingasuni immikkoortortaqaqarfinnut inussiarnersumik ingerlateqqeqquneqarput.

Aammalu tusagassiorfinnut nalunaarut 11. december 2007 nassiunneqartoq ilanngunneqarpoq.

Sapaatip akunnera 2-mi 3-milu januar 2008-mi innuttaasunik ataatsimiisitsinerit illoqarfinni pingasuni tamani ingerlanneqassapput. Innuttaasunik ataatsimiisitsinerni SMV-mik suleqatigiit, ALCOA aamma Greenland Development anguniagassatut pilersaarutit aamma projektimik suliaqarnerup ingerlateqqinnissaa ilisimatitsissutigissavaat.

Innuttaasunik ataatsimiisitsinerni SMV-mik nalunaarusiaq tunngavigalugu projekti pillugu oqaaseqarnissamut siunnersuuteqarnissamullu periarfissaqassaaq. Oqaaseqaatit tigussaasut tusarniaanermut akissutitut isigineqassapput attuumassuteqarnerallu naapertorlugu nalunaarusiap inaarutaasumik ilusissaanut ilanngunneqassallutik.

Kingusinnerusukkut illoqarfinni pingasuni innuttaasunik ataatsimiisitsinissat pillugit ilisimatitsissutit sukumiinerusut nassiunneqarumaarput.

Nittartakkami www.aluminium.gl projekti nammineq pillugu allat atuarneqarsinnaapput. Tassanngaanniit aamma aaneqarsinnaavoq "Kalaallit Nunaanni industriit nukissamik sakkortuumik atuisut pillugit nalunaajaat" Inatsisartut 2007-imi upernaakkut ataatsimiinneranni Naalakkersuisut Inatsisartunut saqqummiussaasut. Nalunaajaat Inatsisartuni annertuumik taparserneqarpoq.

Suli alla ilisimatitsissutigineqassaaq Inatsisartut upernaaru ataatsimiilerpata Naalakkersuisut aalajangigassatut siunnersuut saqqummiutissallugu naatsorsuutigigaat, aatsiterivik Sisimiuni, Maniitsumi Nuummiluunniit inissinneqassanersoq pillugu. Saniatigut naatsorsuutigineqarpoq Inatsisartut taanna ilutigalugu imermit nukissiorfiit aamma aatsiteriviup pigineqarnerannik aqqissuussineq tunngaviusumik aalangiiffigissagaat.

Ikinngutinnersumik inuulluaqqusillunga
Med venlig hilsen

Klaus Georg Hansen
SMV-mik suleqatigiit siulittaasuat